



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-098-4/25**

Datum: **15.05.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «NATRON-HAYAT» d.o.o. Maglaj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i aktivnosti u objektu Skladišta hemikalija i opasnog otpada lociranog u krugu kompleksa «NATRON-HAYAT» u naselju Liješnica, općina Maglaj, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu «NATRON-HAYAT» d.o.o. Maglaj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i aktivnosti u objektu Skladišta hemikalija i opasnog otpada izgrađenog na zemljištu označenom kao k.č. broj: 2769/4 K.O. Maglaj u krugu kompleksa «NATRON-HAYAT» d.o.o. Maglaj u naselju Liješnica, općina Maglaj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji deponije i uz sljedeće uslove:
 - 2.1. Da se upotreba i korištenje predmetnog objekta Skladišta hemikalija i opasnog otpada sa izgrađenim sistemom za prikupljanje i zbrinjavanje eventualno prosutih hemikalija i opasnog otpada vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi funkcionisanje sistema linijskih sabirnih rešetki izgrađenih u objektu skladišta putem kojih bi se prikupljale eventualno prosute hemikalija i odvodile u vodonepropusni, neprelivni rezervoar zapremine 35 m³ kao i sistema linijskih sabirnih rešetki u prostoru za opasni otpad kojima bi se eventualno prosute laboratorijske hemikalije, boje ili lakovi odvodile u vodonepropusni, neprelivni rezervoar zapremine 2 m³.
 - 2.3. Čišćenje i održavanje rezervoara kao i konačno zbrinjavanje sadržaja istih može vršiti isključivo firma ovlaštena za zbrinjavanje hemikalija i opasnog otpada, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja rezervoara.
 - 2.4. Da se, za vrijeme trajanja ove dozvole, obezbijedi da se oborinske vode sa platoa ulaza u predmetni objekat prikupljaju linijskom slivnom rešetkom te zajedno sa oborinskim vodama sa krova objekta odvođe na postojeći sistem kanalizacione mreže kompleksa «NATRON-HAYAT» d.o.o. Maglaj.
 - 2.5. Objekte izgrađene u svrhu prikupljanja, odvodnje i zbrinjavanja eventualno prosutih hemikalija i opasnog otpada skladištenih u predmetnom objektu (kanalizaciona mreža, linijske slivne rešetke, sabirni bazeni...) potrebno je održavati i koristiti na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 2.7. Da se redovno vrši evidencija o količinama prikupljenih hemikalija, opasnog i neopasnog otpada i evidencija o zbrinjavanju.

- 2.8. Da se hemikalije koje se skladište u predmetnom objektu drže zatvorene u propisnoj ambalaži a opasni otpad čuva u propisnoj ambalaži odgovarajućoj za pojedine vrste otpada.
- 2.9. Da se osiguraju priručna sredstva za brzu intervenciju u slučaju nekontrolisanog istjecanja hemikalija kako bi se spriječilo moguće onečišćenje voda.
- 2.10. Sadržaj iz sabirnih rezervoara se ne smije ni privremeno odlagati na česticu «vodno dobro», odnosno u vodotoke i na njegove obale.
- 2.11. Vlasnik odnosno korisnik predmetnog objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 2 (dvije) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, «NATRON-HAYAT» d.o.o. Maglaj, u Agenciju je dana 03.03.2025. godine podnesen ovoj Agenciji zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i objekta Skladišta hemikalija i opasnog otpada izgrađenog na zemljištu označenom kao k.č. broj: 2769/4 K.O. Maglaj u krugu kompleksa «NATRON-HAYAT» d.o.o. Maglaj u naselju Liješnica, općina Maglaj. U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-003553 izdatog dana 28.11.2024. godine od strane Općinskog suda u Zenici,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPJR/1-4303-2/07 izdatog dana 10.07.2007. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj saglasnosti broj: UP-I/25-2-40-180-2/21 izdatog dana 30.04.2024. godine od strane «Agencije za vodno područje rijeke Save» Sarajevo,
- Ovjerena kopija Rješenja o okolinskoj dozvoli broj: UPI 05/2-02-19-5-26/24 izdatog dana 08.01.2025. godine od strane Federalnog ministarstva okoliša i turizma Sarajevo,

- Ovjerena kopija Rješenja o odobrenju za građenje broj: UPI/03-19-2-182/21 izdatog dana 06.10.2021. godine od strane Federalnog ministarstva prostornog uređenja Sarajevo,
- Ovjerena kopija Rješenja o odobrenju za upotrebu broj: UP1-03-19-2-1019/23 izdatog dana 31.01.2025. godine od strane Federalnog ministarstva prostornog uređenja Sarajevo,
- Kopija Izvještaja o radu komisije za tehnički pregled radova od 16.11.2024. godine,
- Glavni projekat prikupljanja, tretmana i odvođenja otpadnih voda za Skladište hemikalija i opasnog otpada u kompaniji «NATRON-HAYAT» d.o.o. Maglaj urađen od strane «TQM» d.o.o. Lukavac (broj: 10-52/18, decembar 2018. godine), revidovan od strane «EUROING» d.o.o. Bihać, decembar 2018. godine – na uvid,
- Opći akt o održavanju, korištenju i promatranju vodnih objekata u «Natron-Hayat» d.o.o. Maglaj, maj 2024. godine (oznaka dokumenta: NH-1.40.8-8.1-SP-02-14),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog lokaliteta i tom prilikom je sačinjen Zapisnik o uviđaju broj: UP-1/21-3-40-098-3/25 od 07.05.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

U sklopu kompleksa «NATRON-HAYAT» d.o.o. Maglaj izvršena je promjena namjene objekta zvanog «Štamparija» u objekat za skladištenje hemikalija koje se koriste u proizvodnji celuloze i papira kao i za skladištenje opasnog otpada koji se produkuje u toku rada pogona.

Izvršeno je pregrađivanje velike hale skladišnog prostora na šest odvojenih prostorija (boksova) u kojima će skladištiti hemikalije po osnovu inkompatibilnosti (organske kiseline i zapaljive tečnosti, organske baze i organskih jedinjenja, neorganske baze i reduktanti, neorganakse kiseline i oksidansi, hemijski čvrste materije i prostor sa stanicom za ispiranje očiju tušem za dekontaminaciju) dok je u manjem dijelu skladišnog prostora predviđeno skladištenje opasnog otpada u tri odvojena prostora (laboratorijske hemikalije, boje i lakovi, odbačena elektronska/električna oprema i fluorescentne cijevi), tri odvojena prostora za organske kiseline i zapaljive tečnosti, te eksplozivne i otrovne materije koje će se nalaziti u zaključanim kabinetima. U ovom dijelu objekta je izgrađena kancelarija i prostorija sa mokrim čvorom.

Za prihvatanje eventualno prosutih hemikalija u objektu skladišta izgrađeni su kanali sa linijskim sabirnim rešetkama putem kojih će se iste odvesti u sabirni, vodonepropusni i neprelivni rezervoar zapremine 35 m³ dok će se iz prostora za opasni otpad eventualno prosute laboratorijske hemikalije, boje ili lakovi prikupljati sabirnim linijskim rešetkama te odvesti u sabirni, vodonepropusni i neprelivni rezervoar zapremine 2 m³. Rezervoari su locirani neposredno uz objekat. Zbrinjavanje sadržaja ovih rezervoara će se vršiti od strane institucije ovlaštene za zbrinjavanje opasnog otpada iz cijelog kompleksa «NATRON-HAYAT».

Eventualno onečišćene oborinske vode sa platoa ulaza u objekat, prikupljene linijskom slivnom rešetkom, se zajedno sa oborinskim vodama sa krova objekta odvođe na postojeći sistem kanalizacione mreže kompleksa «NATRON-HAYAT» d.o.o. Maglaj sa centralnim uređajem za tretman otpadnih voda za koji je od strane Agencije izdat vodni akt.

Snabdijevanje vodom za sanitarne potrebe riješeno je priključkom na vodovodni sistem kompleksa (priključak na gradski vodovodni sistem) a sanitarno-fekalne otpadne vode nastale u sanitarnom čvoru za uposlenike odvođe se u postojeći kanalizacioni sistem kompleksa.

U toku uviđaja konstatovano da se u predmetnom objektu nije počelo sa skladištenjem hemikalija i opasnog otpada.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog poslovnog objekta u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka, konstatuje se da je podnosilac zahtjeva «NATRON-HAYAT» d.o.o. Maglaj, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i aktivnosti u objektu Skladišta hemikalija i opasnog otpada izgrađenog u krugu kompleksa «NATRON-HAYAT» u naselju Liješnica, općina Maglaj, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-098-2/25 od 19.03.2025. godine.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- «NATRON-HAYAT» d.o.o. Maglaj
- Liješnica bb, 74250 Maglaj
- ⊙ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava